

PROCEEDINGS OF THE SECOND SESSION OF THE MIZORAM
LEGISLATIVE ASSEMBLY HELD AT THE ASSEMBLY HALL
FROM 20.10.1972 TO 1.11.1972.

3RD SITTING ON 24.10.1972 AT 10 A.M.

PRESENT:

PU H. THANSANGA M.A., B.T., Speaker in the Chair.
One Chief Minister and four Ministers and twenty six Members.

BUSINESS:- 1. Questions.
2. General Discussion on the Budget.

SPEAKER: Questions kan tih hmam thu puan tur a awm a. NI 31st khian Public Account Committee leh Estimate Committee inthlanna kan nei dawn a. House in a tih tur a ni a. Member tin ten lo ngaihtuah lawk theuh ula. Account lam hre mi Member atan an tha ang a, in lo in ngaihtuah lawk nan ka han puang a ni.

Tunah Pu Lalsangzuala Questions No.10-na kan ti ang a.

PU LALSANGZUALA: Pu Speaker, Fishery Department in Fishery Pond atana grant-in-aid an pek hian a hmanna dik tak, an pek chhan anga an hman leh hman loh an enzui lo em ni? Entirnan - Thakthing vengah sawn mi pakhatin Sangha 3000 ka nei a ti thei a. Chutiangan midang then khat khat pawhin ti thei an awm hual mai a. Chutiang chu thil awmia anih chuan Department concerned hian an grant pek te hi an enzui lo tih a chiang a. Chutiang ngawt chuan kan rama grant-in-aid reng reng te hi kan hmang dik ngain ka ring lova. Hetiang tanpuina pekte reng reng hi a hmanna tur dik taka an hman ngei leh hman ngei loh hriat ni zel a tul dawn lawm ni? Chuti anih loh chuan engtingge tanpuina pekte hi a sawt tih kan hriat theih ang?.

PU R. THANGLANA,

MINISTER.

Pu Speaker, Sangha te hi Private tuikhuan a dah te an nih bor avangin a tam lam sawi a harsa viau va, chuvangin Department in a pek chhuah te hi thliar fel a harsa a, 2Kgs lai a tam te chuan a tlem berak pawh 1,87,424 Kgs lai a tling thei a ni.

PU LALSANGZUALA Pu Speaker, kan Minister zahawm tak khan ka zawhna chu a han chhang a. Chumi bakah 43,27,800 C.D. Block leh T.D. Block lamah pawh sengso in a insawi bawka a. Chung Block te chuan chutiang tanpuina chuan hmun engzatnge an siam ve reng?

SPEAKER:

Tuikhuan...

SPEAKER: A zawhna chu kan subject a ni lova. Hun kan ngah loh avangin a nihna tak zawh nghal mai nise. estion No. 11-na.

PU LALSANGZUALA Pu Speaker, Hengte hi a dik em? -
(a) Mizorama Agriculture Department hian Ram Acres 10,305 tui laka chawm a nei.
(b) Agriculture tan ram acres 4114 hi hauh a ni.
(c) Terrace Acres 10,895 hi chutiang atan a hman theih a ni en tih leh Rs.4327800 hi C.D./T.D. Block atan hmanral a ni tih hi.

Chutiang ang chu lo ni ta se, Chung ramte chu khawih khawiah te nge an awm hlawn?.

PU R.THANGLIANA, MINISTER: Pu Speaker, Acres 10305 a ni a. Phai ramah an ni deuh ber a, chungte chu Champhai, Serchhip, leh Kolasib Block ah te. Tin, Saitual, Mamit, Hnahthial leh Aizawl Development Block ah te a ni.

Tin, (b)-na ah chuan Acres 4224 a ni zawk a. Tin, (c)-na ah chuan Acres 10895 a ni a, chung awmna te chu Champhai, Chemphai, Saiphai, Buhchangphai, Matphai leh Chawnte area ah te an ni.

PU CH.SAPRAWNGA: Pu Speaker, Supplementary question - Acres 10305 hi irrigated a ni a. Buh engzatnge that thei? Tin, Wet Cultivation ah Acres 10895 a aw baw a, engzatnge an thar theih hriatna a awm em?.

PU R.THANGLIANA MINISTER: Pu Speaker, chung thil chu record a awm leh awm loh chiang takin a hriat theih tawh loh avang a. Mahse a lan dan ang hi chuan an thawk vek thei lo vang tih chu a hriat mai a. Tin, heng hmun kan sawi tak ramah te chuan buh thar thei tur zat chu Acre that zela phur 30 angin a rinawm theih ang a. Mahse ram te hi a chhiat hleih avang loh buhte a hlawk hleih thin avangin chhiarkawpa hisap ang vek chuan buh chu an thar vek lo vang tih chu a hriat sa a ni.

PU L.LALHLIRA Pu Speaker, Supplementary Question - No.11(c)- ah hian Wet cultivation atan grant pek an ni a an hmanna hmunah hian siam zo tawh te nge an pek a, la siam mek te, engang chiah in nge an pek?.

PU R.THANGLIANA MINISTER: Pu Speaker, a siam a te ngei kha pek an ni.

SPEAKER: Question No.12-na Pu Lalsangzualan han zawt leh sela.

PU LALSANGZUALA Pu Speaker, Tunhma kum 20 chhunga Mizoram Co-operative Department-in Rs.11,18,667/- grant a pek hmangtu Co-operative Society te hming leh, Co-operative Society te hian hna an la thawk zel em?

Tin, chung Societies 139 zing a 50 te chuan tun thlengin mumal takin an la function thei a, a dangte erawhchuan an function mumal thei em em tawh lo a ni.

SPEAKER: A hming kha zawhna kha a duh a ni a. Member te tan chance tha tak a ni a, member ten zalenna an nei a. Tin, Minister ten chhanna dik ka pe duh e, tiin Secretary hnenah a hranin a tih leh theih a ni.

Tunah Pu R. Dotinaia Question No. 13-na ah kan

PU R. DOTINAIA: Pu Speaker, ka zawhna min pawm sak awngin ka lawm hle mai. Tunah zawhna chu khawngaih takin Minister i/c in min han chhang sela.

- (a) Mizorama sawkar Kudam zat h an awnate?
- (b) May ni 3, 1972 hna Agriculture loan, T.R. leh G.R. atana buhfai pek chhuah z zawng zawng leh a man te?

PU R. THANGLIANA MINISTER: Pu Speaker, Zoram puma kan Godown neih chu 150 a a. P.P.V. tin leh Grouping Centre te meih deuh vek a ni a, a hmun te erawhchu kan sawi vek hman lovang a. Tin, a zawhna (b)-na awngin, kan ei zawh tawh zawng zawng chu 26,027 Quintals a a. a, T.R. ah 3009 Quintals a ni a, a pawisa in .4,39,432/- a ni a. Tin, G.R. ah 3,545 Quintals a ni a, a pawisa in Rs. 5,17,651/- hu a ni. Tichuan a, vain 32581 Quintals a ni a. Chu chu a pawisa in Rs. 47,57,083/- hu a ni.

PU J. THANGHUAMA Pu Speaker, Khawpui leh thingtlang lama (a vain) Godown 150 kan nei e an ti a. Thingtlang lama mi chu hriat a harsa a ni thei a. Mizawl khawpui chhungah hian tunah buhfai stock quintal engzat chhian nge kan neih?

PU R. THANGLIANA MINISTER: Pu Speaker, tunah chuan Quintal 500 kan kawh.

PU LALHLIRA Pu Speaker, Supplementary question - Q.No. 13 (a)-na ah hian Group Centre zawng zawngah Godown sak vek a ni an ti a. Zote ah te khian a awm lova, Group Centre a ni ve lo em ni?.

PU R. THANGLIANA MINISTER: Pu Speaker, D.C. lamin a Official a an puan te chauh.

PU HRANGAIA Pu Speaker, Supplementary Question - Khawpui chhung chauhva Godown Pucca building a sak chu engnge a chhan? In thaah chuan buhfai te leh thildang p pawh a vawn that theih ang a. Khawpui buhfai chu thingtlang buhfai aiin a chhe hma bik em ni? Ka bial Godown chu Temporary a ni vek si a.

PU R.DOTINAIA Pu Speaker, Zawhna 13 (a)-na chhunzawm angin, hei thingtlang lam chu kan tam deuh deuh dawn niin a lang a. Godown te hi Pucca building a sak tur a ni em? Tin, engvangin nge Godown a buhfai dah te hi an dah chhiat leh mai thin, engvangin nge an ruk bo theih fo bawk, engnge a chhan ni hlawn?.

PU R.THANGLIANA MINISTER Pu Speaker, Pucca building chuan sak tumna a la awm lova, kan tam zel dawn anih crawh chuan sak ala ni ang a. Tin, tun hnuah hi chuan tha deuh taka enkawl a ni tawh a. Buhfai chhia erawh chu tunhma lam thil a ni.

SPEAKER Zawhna a tam viau va, zawhna 14-na Pu R.Dotinaia.

PU R.DOTINAIA Pu Speaker, 'Transport Director hnuah Truck leh Jeep awm zat, engzatnge tunah hman theih a, engzatnge hman theih loh?'

PU R.THANGLIANA MINISTER: Pu Speaker, Directorate-a Truck awm zawng zawng chu Running condition 106 leh Off-road 28 an ni a. Tin, Jeep chu a zavain 76 a ni. Mase chungte chu englai mahin a zavai chuan a hman vek theih loh.

PU C.LALRUATA Pu Speaker, hmanni lawk khan Government High School Ground atangin an sawn bo va. Truck chhia kha engzatnge ni reng?.

PU R.THANGLIANA, MINISTER Pu Speaker, A point chiah chu kan hre thei lovang a, tunah kan sawi theih chu Off-road 28 vel a ni a. Chungte chu chuti maia hman theih tur chuan chei theih an ni lova. Siam tha tur chuan hun a duh deuh vang.

PU CH.SARAWNGA Pu Speaker, heng off-road te hi repair tlak an la awm em?.

PU R.THANGLIANA, MINISTER Pu Speaker, heng 28 te hi chu repair anih pawhin cheng tam sen a ngai ang.

PU SAILLAWMA Pu Speaker, heng truck leh Jeep zozaitte hi Aizawl a dah an ni vek nge? hmun pawimawh hrang hrangah supply thiar vel tura dah an ni em?.

PU R.THANGLIANA, MINISTER Pu Speaker, buhfai thiar nana hman a nih avangin atam ber chu Aizawl ah te, Lunglei ah te a chang chuan Jorhat ah daih te dah a ni a, a tlangpui in a sawi theih loh a ni.

PU CH.SAPRAWNGA Pu Speaker, Transport lamin Organisation lianpui hi engnge ni a din chhan ber?.

PU R.THANGLIANA, MINISTER Pu Speaker, Supply & Transport hi tun hma lama D.C. in an lo neih a ni tawh a, a remchan dan angin Department hrang hrangin an hmang mai a ni.

PU CH.SAPRAWNGA Pu Speaker, Chu, tuna kan han hriat dan chuan Supply pawimawh leh thi~~ng~~ dang tul phurhna atan te kan ti a ni a. Chungah chuan a senso a hautak em? Engzatnge sen so? A enkawlne leh a benefit chu a imnil em? Chungte chu chhut chhin a awm em? Engnge ni tan ah hian Private Farm kan phurh tir lohna chuan? A in man zelin kan hria em?.

PU R.THANGLIANA, MINISTER Pu Speaker, kan han tum ang o.

PU VANLALHRUAIA Pu Speaker, heng Transport te hi Supply thiar nan an hmang vek ~~xxx~~ nge, thil dangah te hmanna a awm em? (ka hre duh a) Sorkar hnathawk Officer ten D.C. Jeep hi an mahni tan an hman?

PU R.THANGLIANA, MINISTER Pu Speaker, Officer te chuan Transport lam ta te chu an lo hmang ve bawk ang a, mahse a tul ber chu Bungraw phurh nan a ni.

PU LALRINLIANA Pu Speaker, Tunah Truck 106 leh Jeep 64 lai a awm a ni a. Engatinge hetiang nei siin Contractor an lak fo? Aizawl atanga Serchhip te, Aizawl atanga Saitual te leh hmun dang dangah pawh supply hi Contractor lamin an phur fo thinin a lang si. Hengte hi eng vang nge ni?.

PU R.THANGLIANA, MINISTER Pu Speaker, Contract pekte hi chu Aizawl leh Lunglei ami a ni a. Chung chu kei mahni sorkarin a enkawl zui zel a ni.

PU R.ZOLLIANA Pu Speaker, Directorate of Transport hi Corporation ah leh tum a ni reng em aw?.

PU R.THANGLIANA, MINISTER Pu Speaker, tunah hian Directorate in kan chhawn zel ang tihna a awm chuang lova, Corporation lamte pawh la ngaih-tuah a ni ang chu.

PU C.LALRUATH: Pu Speaker, a hma khan Truck leh Jeep service thei 160 lai awmin sawi a ni si a. Tunah Driver awm zawng zawng chu 126 vel chauh an nih si chuan Motor 30 te chu khalhtu nei lovin an ding ta reng mai em ni?

PU R.THANGLIANA, MINISTER. Pu Speaker, Motor hi englai pawhin an tha reng thei lova Driver te pawh hi Motor khat atan pahnih kalte an awm nual bawk a. An lo dam loh palh theih avangin. Chuvangia a number inkawp kim thlapin a dah fel theih chiah loh a ni.

PU LALSANGZUALA Pu Speaker, Driver chuan Motor chelh mumal nei chuang lovin an inthlak kual vel mai mai a ni maw? Motor condition a va chhe duh awm ve?

PU R.THANGLIANA, MINISTER Pu Speaker, inthlak lo thei lova. Mihring vek kan ni a. Khawl angin mihring hi zawng a mar reng theih loh va. Khawlte pawh hian chhiat chang leh Service theih loh hun a nei thin a. Mihring phei hi chu mahni chang lo pawh chhungte dam loh

PU LALSANGZUALA: Pu Speaker, sorkar hna kun 28 lai ka lo
thawk ve tawh a, ka hriat danin Motor lo
Driver te hi an in kawp fel tur a ni a. Driver te Motor
enkawl tur tawk an awm tur a ni.

PU R.THANGLIANA, MINISTER: Pu Speaker, ke hre chiah lova.
Engpawh nise heng motor awm zang
te enkawl thei tawk tura Drivers chu siam an ni.

PU R.DOTINAIA: Pu Speaker, Motor hi Driver ain a tam zamin
a lang a. Officer thenkhatte chuan Driver te
hi anmahni private motor khalh turin an nei emaw tih tur an
awm nual a, hei hi a dik em?

PU R.THANGLIANA, MINISTER: Pu Speaker, chung chu ka hre hah
lo mai.

PU LALRINLIANA : Pu Speaker, Motor 160 lai a awm a. Handyman
93 chauh awm a sawi a ni si a. Truck-te
chuan Handyman an nei ve lo tluk thawthang a ni mai maw ?

PU R.THANGLIANA, MINISTER: Pu Speaker, repair ngai a awm reng
thin avangin Motor tha vuan tur hi
chu an awm reng zawk a ni.

PU R.DOTINAIA : Pu Speaker, Driver leh Handyman-te hi lak belh
tum a ni reng em ?

PU R.THANGLIANA, MINISTER: Pu Speaker, tun maiah chuan awm lo.

SPEAKER: Pu Lalsangzuala zawhna No.16 or 57 tih kha tihsual
palh a ni a. 16-na tih mai tur a ni a. Tunch
kan la nghal ang a.

PU R.THANGLIANA, MINISTER: Pu Speaker, Pu Lalsangzuala
Zawhna 16 (a)-na chu a rate chu
D.C. fixed a ni a, chutiang chuan Quintal khat phurh nan
K.M. khat zelah Rs. 2.50 zel a ni a. Pu Lalsangzuala zawhna
hi a letling deuh a ni.

PU LALSANGZUALA: Pu Speaker, Ka hriat dan leh ka zawhna kha
rate siam Rs.2.50 per quintal per Km. ni si
khan phurh man tak chu Rs.1.25 niin ka hria a, Chuti chung
pawhin D.C. rate siam hi a to lutuka hriat a ni a.
Tichuan ka zawhna (c)-na hian Minister in complaint hmu
lovin a insawi a. Engpawh nise sundawng bungraw kal man
a san chuan a tuartu chu thingtlang mipuite an ni ziah mai a.
Chuvangin mi rethei te te in an tuat lutuk loh nan kal man
hi tih that theih nise a thain ka ring.

PU R.THANGLIANA, MINISTER: Pu Speaker, Pu Lalsangzuala'n
a hre sual niin ka hria Pu Rawnga
hun lai daih in Rs.2.50 tih a ni tawh a. Supply Ministry
lamin a rate an siam lovang. Quotation koh a ni a, a chhang
tu zinga hniam ber kha appointment pek mai zawk a ni. Tin,
Rs.2.50 ni lovin Rs.1.25 a ni zawk.

SPEAKER: Zawhna siam mai tur a ni a, han sawi deuh te pawh a
chakawm hle thei a. Mahse hun kan ren a ngai a.

PU C.LALRUATA: Pu Speaker, Question No. 17-na -

- (a) Bangla Desh Indona avangin Mizoram chhungah Chakma engzatnge lo tlan lut?
- (b) A then chu Bangla Desh atangin Mizoramah an lo lut a, a then chu Tripura atangin tih hi a dik em?
- (c) India khua leh tui nihna pek an ni em?
- (d) Hemi chungchangah hian kan sawrkar policy engnge ni?.

PU CH.CHHUNGA,

CHIEF MINISTER: Pu Speaker, Bangla Desh buai avanga Chakma lo lut chu report kan hmauh danin 201 an ni a. 82 te chuan India mi nihna neilin an in sawi a. A then te chu Bangla Desh ~~khua~~ leh ~~mi~~ Tripura lam te an ni a. India khua leh tui an nih tawh em? tih zawhna hi - Pek an la ni lo. Chuvangin Bangla Desh a thawn kir leh tum mek an ni.

PU NGURDAWLA: Pu Speaker, Tumah chiah hian Chakma 201 te hi khawiahnge an awm?.

PU CH.CHHUNGA,

CHIEF MINISTER: Pu Speaker, heng mi, Chakma refugee 201 te hi thawn kir leh tawh an ni a. Hnan deuh Khan India mi kan ni e an ti a. Mahsola chung chu en chian leh chinfelna tak a awm rih lova. Sawrkar lan chuan en chian vek hma chuan an niin India mi nia an insawi na mai chu pawm theih a ni lo.

PU CHAWNGKUNGA Pu Speaker, Pang khua te, Sajek tlanga mite, Zoram chhunga lo lut te ho hi engnge an chanchin ve tur?.

PU CH.CHHUNGA,

CHIEF MINISTER: Pu Speaker, chung zing a mi te chuan Zoram awm tawh kan ni an ti a.

PU CH.SAPRAWNGA Pu Speaker, Chakma refugee te chu Bangla Desh atangin 201 an lo lut chu a ni a. Heng mite enkawl na tura senso kha engzat nge ni?.

PU CH.CHHUNGA,

CHIEF MINISTER: Pu Speaker, chu lam pang chu hriatna kan nei chiah lova, an enkawl na hriat an duh chuawh ~~xx~~ hriat ka han tum ang e.

PU K.L.ROCMAMA: Pu Speaker, kum 1951 leh 1961 chhiarpui inker ah 100-in an population hi a increased an tih hi a dik em?.

PU CH.CHHUNGA,

CHIEF MINISTER: Pu Speaker, Census lam chu kan lo ngaihtuan hlek lo a ni.

PU K.L.ROCMAMA

Pu Speaker, chuti anih chuan eng hunah emaw Supplementary Question chu min chhang thei ang em? Tin, kum 1961 atanga 1971 chhunga Chakma lo pun dan, an population zat engnge ni? An rawn theh luh hi a dik em?

PU CH.CHHUNGA,

CHIEF MINISTER: Pu Speaker, Bangla Desh Indona avang anih avangin chulam chu kan in puahchah lo a ni.

PU C.LALRUATA: Pu Speaker, kan Chief Minister Khan Chakma refugee ho kha thawn thlak an nih thu a sawi a. Eng hun lai khan nge thawn thlak an nih?.

PU CH.CHHUNGA,

CHIEF MINISTER: Pu Speaker, a hun tak chu kan hre mai thei lo va, Bangla Desh buai zawh hnu lamah khan Bawrsap lamte pawh kan hrilh a, an ni pawhia thawn thlak thu an sawi a. Mahse a Tahrik chiah chu kan hre mai thei ta lo.

PU C. AWNGKUNGA: Pu Speaker, buai hmaa Mizoram a awm, buai ~~su~~ avanga E. Pakistan a pem lut te chu an rawn chhpen chhuak a, tunah hnawh thlak (Bangla Desh) in an awm leh si a. Chakma ho hi hnawh thlak an ni ve lo a, engvang nge?

PU CH.CHHUNGA,

CHIEF MINISTER: Pu Speaker, Mizoram atanga lut thla a insawi te hnawhchhuah sawrkarin a tum nia hriat chu hnawhchhuah an la awm lo a ni. Sawrkar mi tirhte atanga report ang ang chu ngaihthlak phawt a. Chumi thua zir chua action lak zel a ni ang.

SPEAKER: Zawhna No.18-na Pu Lalsangzuala.

PU LALSANGZUALA: Pu Speaker, Ka zawhna No.18-na chu :-

(i) Sawrkarna Mizoram sawrkarin a lak hnua tualthahna lo pung ta chiah mai hi engnge a chhan? (Mizoram History ah chuan a la nasa ber a).

(ii) May ni 1, 1972 hnua hetiang case hi engzatnge sawrkar beng thlang tawh?

- (a) Inrawk leh inrawk tumna
- (b) Rukruk.
- (c) In pawng sual.
- (d) Tualthah leh tualthah tumna.
- (e) Sawrkar Kudam atanga citur ruk bo.
- (f) Public fund dik lo taka hmanna.
- (g) Insawisakna leh intih buaina.

(iii) Hengte ti reh tur hian sawrkar in engting a tih?

PU CH.CHHUNGA,

CHIEF MINISTER: Pu Speaker, Zoroma Crime lo pung ta hi a tuartu te khan tun hma aiin an report chak zawk a, tin, M.NF. te an lo luh leh tak avang a ni bawk. Hei hi nikum lam leh kumin a Crime awm te a ni.

PU LALSANGZUALA: Pu Speaker, Supplementary question - Kan rama thil sual (Crime) a lo tam takna em em hi Kan Chief Minister zahawm tak khan MNF te a puh berin a lang a. MNF te hi kan sawrkar hian nuai ral nge a tum a, thatna a hneh a tum hriat nise a lawm awm hle ang a.

PU CH.CHHUNGA,

CHIEF MINISTER: Pu Speaker, zawhna No.2-na kha ka han chhang ta lova, May 1972 a chinah thubuai hetiang zat a awm:-

(a) Rukru (Robbery) ru: ruk tum nia hriat	17
(b) Rukru (Thief) tuma hriat	- - 109
(c) Pawngsual (Rape) case	- - 15
(d) Tual that emaw tualthah tuma hriat	4
(e) Godown atanga buh la lui	- - 2
(f) Mi lema change pawisa la	- - 1
(g) Mi vauva, buaina siam	- - 20

Tin, hemi buaina chi lo pung zel ta mai hi engti ang a tih bo tur nge ni ang tih zawhna kha chu - Sawrkar chuan ngun leh zuala thlir tur leh enfel zung zung theihna tura Staff fel zawk leh tam zawk buatsaih zui zel a tum mek a. Chutiang te chu an tangkai theihna tura Police Station tam zawk siam a som darh te chu ~~kaxox~~ tum a ni bawk a. Tin, a tul hun huna hman thuai thuai theih tura Motor te pawh pek tum a ni.

Tin, Member zahawm tak Pu Lalsangzuala zawhna MNF te hi tih chimih vek nge sawrkarin a tum a, thatna a zawi zawia hneh? tih thuah kha chuan - MNF te hi eng lai mahin sawrkarin tih chimih a tum ngai lo reng reng a. Tih chimih a hnekin tha tak leh mi nung dam ngeiin lo kirin, India khua leh tui tha tak lo ni leh se a ti a. Chutianga tha tak leh zaidawh taka la en zel avangin Hun rei tak Amnesty pawh hawn a ni a, a hawn belh zel nghe nghe a. Eng lai pawhin sawrkar chuan tha taka an lo kir chu a phal reng a. In lo kir duh a, tha taka an inpek phawt chuan an chhungkaw enkawlna turte thleng pawha tanpuina pek a tum reng zawk a ni.

PU LALSANGZUALA: Pu Speaker, supplementary question - MNF te hi thatna a hneh kan tum a nih chuan, ngaihdamna hun a tawp tawh si a, engtingge a kal zel dawn? Hengte hi Public interest a ni a, a pawimawh em em a ni.

SPEAKER: Kan Dan ah khan original question in a huam chia (relevant) te chauh zawh tur tih a ni a, chuvangin kal thui vak lo ila a tha ang a.

PU ZALAWMA: Pu Speaker, Policy matter a ni.

PU LALKUNGA: Pu Speaker, M.N.F. avanga case awm tun hnaiah engzatnge awm?

PU CH.CHHUNGA,

CHIEF MINISTER: Pu Speaker, chung chu thliarna fel tak kan nei lo va. Kan hriat dan chu kan chhiar chhuak dawn ang a. Engpawh ni se a tawi zawngin khawimaw lai lai, thingtlang lama Officer thenkhat te hnen atanga pawisa la chhuaktu te pawh kha an ni a. Pu Anthony a kak chung-changah pawh khan an ni hi rin an ni a. Tin, Champai P.S. a buaina siamtute pawh kha an nia hriat a ni a. Tin, tun hnai maiah pawh khan Kawrtethawng lamah pawh buaina siama hriat na a awm leh a. Engpawh nise, chiang taka hriat a ni lo pawh a thlangmuin chutiang chu a awm nial hnam a ni

Tin, nichina engvanginnge Amnesty a tawp tak ti kha - Tawitein ka han chhang ang a. Security thil a nih avangin sawi thui chi a ni lo vang. Engpawhnise Amnesty hi hun rei tak chhung hawn a ni tawh a. Mahse chutih chhung zang zang chuan Silai nena lo kir sawi tham an awm lova, silai tel lovarawn in-surrender deuh vek an ni mai a. Chung mite zinga tam tak chu silai nei, han hawn duh lova khawimaw lai a chheprelh a, mahni taksa lawnga lo haw nia hriat an ni si a. Heng hian an silaite chu tute emaw an kawltir a. Chung mite hnen atang chuan hriatna a awm leh thin a. Chung mite chuan an ralthuam chu hman ruk a, tute chungah emaw pawikhawih leh thil sual tih tumna te an nei leh thin a. Chuvangin heng ang thil hi chin fel a nih zang theih nan amnesty hi tihtawp phawt a; a tul dan ang zela hawn leh mai chu sawrkar tum dan a ni.

SPEAKER: Question hun a tawp ta a. Tunah chuan Budget discussion kan tan leh tawh ang a, vawin hi a tawpna a ni tawh a. La sawi ve lo sawi duh in awm em? Pu Chawngkunga, sawi tur i nei em?.

PU CHAWNGKUNGA: Pu Speaker, kan Budget chungchang han sawina hun ka neih ve avangin ka lawm hle mai. Kan budget chungchangah hian sawrkarin Mizoram tana a rawn siam hi a lungawi kim theih loh hle a. Engpawh chu nise a tul anga hman vat vat a ngai a. Kan Member zahawm tak ten in sawi sel nan hun hman tal an tum niin a lang a. Chu ai chuan kan Budget hi a rang thei ang bera hman leh tih that a tul zawk a. Tin, Village Council chung chang hi han sawi huasa ila. Village Council ah hian pawisa pek a tlem hle mai a, an hna hi MLA te ai mah mahin a hahthlak si a. Mahse pawisa pek a tlem si. Hei hi siam that a tul hle a ni. Village Council Office khawtinah neih vat hi a tul a ni.

Tin, Agriculture lam han sawi leh ila, buh ringawt mai chin pui bera kan neih hi a tha tawk lo hle mai. Tin, khat hmunah te Rs. 450/- emaw lek a thar theih a, mahse hmarcha te Chhawahchhi te Rs. 1,600/- lai a thar thei si a. Engpawhnise vai buh hi chu ei turin in buatsaih phawt ila. Mizoram tan hian mi thiam bik (expert) Gauhati loh hmun dang dang atanga chah chhuah ni lo, a ram chhung ngeia cheng sa, hnim ala tha duh zawk thlai lak luh tur hria lak luh nisela.

Tin, hei nuai 15 lai Bazar kangte tana puk theih tur hi a tha viau va, mahse thingtlang unaute tan hian ruahman ve a awm lovin ka hria a. Chuvangin chung thingtlang lam mite leh mirethei zawkte tan ngaihtuah ve nise.

Tin, P.W.D. lam han sawi leh ila, P.W.D. lamah hian kawng tha sa leh chei ngai lo te hi chei that leh a ni ringawt mai thin a. Buai hma atanga kawng an buatsaih ve tawh Kawnpui - Sairang te hi enkawl loh an ni a. Engatinge hengte hi tunah hian an telh ve loh? Vaivakawn - Sairang kawngte hi en ila kawng hmun khatah a min a, hluihlawn derin a awm mai a. Hengte hi engvang nge ni? Tin, Lawng lama Communication (in kal pawhna kawng) te hi ngaihtuah ran nise, Inland Water Transport Department hi din ran vat nise. Tlawng, Tut leh Teirei luite hi siam that chuan mel tamfe hman theih a ni ang a. Tin lawngkaih luite pawh hman theih a ni ve ang a.

Tin, Zorama Corruption lam han sawi leh ta ila -

- (11) -

Tun tuma A.O. ruahmanna ang hi tih buitlin thuai thuai ni sela. Hetiang thil hian nasa takin kan ram a ti chhia a ni. corruption endiktu Commission din ni se, ngun takin fang sela. an hnathawh dan ngun taka en fel a tul a ni.

Tin, Sangha khawi lam (Fisheries) te hi a hisap kitab chu a tha hle a. Leilet lam te pawh chuti bawk. Mahse engmah hlawkna tak tak an thlen lo a nih hi. Chuvangin a thawk a te aiin a thawk mang lova, hmui themthiamna hmangtute hi duh sak an ni loh hlahu thin a nih hi.

PU J. THANGHUMA: Pu Speaker, Bawi
Pu Rawnga'n a sawi crawh chuan ka sawi ve Ieh ang a. Ka hmaa Member sawitu Khan sawisel loh tur a ti a. Amah bawkin a rawn sawisel loh si a, thudik chu huai taka sawi a tha-in ka hria.

A tan nan hei Khawkhawm hla kan chhian ang e:-

"Sad is the fate that befalls our land so far,
Sadder is the heart that within is beat today,
Like orphans at crossroad not knowing where,
Come, half of the helpless, be friend us we pray."

Kan sawrkar ka han en hian Ruling Party, te hi an mahni leh an mahni an innawr a ni deuh ber a, tute bial emaw, Minister te bial ah emaw chuan an in voh tha hle a ni. Tin, chenna tur In (Residence) an buaipui ani ber bawk a.

Tun hnaiah khawchhak lam M.L.A. bial 6 (paruk) ka fang a, ei tur an nei lo. Godown pawh a ruak vek a ni.

Helai ah Car non nuam takin kan leng a, mipui manganna loh harsatna kan hre lo. Kan Finance Minister in a thusawi ah chuan Kristian ram kan ni a ti a. Mahse kan ram hruaitute min enkawl danah hian kan ni em? Dawngdahna, That chhiatna hlirin a khat, ka Office te hi Dar 10 ah tan tur kan ti, tunge dar 10-ah kal? Kan ramah G.R., T.R. in tuktin kan in hnuk chhuak tawh. Thingpui Dawr rise, sa loh lehkha den in a khat thau tuau tawh. Thingtlang pa-in helai ah Officer be dawn se, a la biak theih loh tih a ni, engtinge an tihin inleng a la nei tih mai mai. Tih tur a tam tawh lutuk, kan sawrkar in-enkawl dan hian awmzia a awm lo. Khawnge Cement? A awm lo, engkim a awm lo.

Supply thuaah zawna - Minister in min chhan dan a dik lo. Thu dik lo leh dawta in chhanna te kha Ruling Party tan chuan a zahthlak a, keini tan erawh chuan vanneihna a ni.

Kan ram buai avangin kan Chief Minister In te pawh a kang ani mai thei. Thingtlang ah mi in engzatnge kang? Tun thlengin thingtlangah in engzatnge kang tih hre turin enquiry commission pawh din a la ni lo. Helaiah Nghawngawrh nen Jeep nana kan in tih milen a hun tawh lo. Mipui rawngbawl tu kan ni. Kan Chief Minister lah chuan ama in ringawt ngaihtuahin a compound ah Bangla a lo din bawk nen. Bangla sak nan tangka tam tak an seng, thingtlang lamah ei tur an neih loh lain engatinge? Mizawlah Quintal 500 kan nei, engatinge kan sem loh? Quintal ah Rs. 170/- laia loh tuu kan hmuh loh lain thingtlang.

P.W.D. lam hi en loh teh u, cirukna in a zuih ral raih. Midum tak ngial pawhin an Suahdur an hralh ru zoi ta. S.D.O. pakhat chuan a thingrem ah Rs.50,000/- a phawrh an ti. a hlawh nen a in rem em?

Tin, Contract thawh sen loh tu ten emaw an neih lain thenkhat mi rethei em em chuan an hmu thei si lo. A hnuok atanga khai, lap loh chuan a fel ta lo a ni.

Chief Minister hi khen ka duh lo hle a, Pu Rawnga ten an kheng an kheng a, han chhan deuh pawh ka duh hle a. Kei chuan ama mimal ah khen ka tum lova, mahse sawrkar hruaitu a ni a, Mipuite min kaihhruai loh chuan kan mangang a nih tawh hi, kan Bangla sak te lah hi Sap thu fingin White Elephant an tih angin an te ul mai.

Thingtlang ah Leilet tur hmun tam tak a awm, a ti theitu hnenah pe mai rawh se. Khawchhak lam ah Vaimin a tha duh em em a, Vaimin herna khawl min pe se, kan intodelh mai ang an ti. Sawlai a, kan Jeriko Kulh Finance and Education Minister te chenna te an sianna ai saw pe ila a tha zawk. Ram pum tan buh herkhawl 30 vel sem chu a tih chi loh lutuk, a tlem lutuk a ni.

Tin, Primary Text Book te hi Council a In-charge a ka awm lai khan han tihfel kan tum a, mahse kan in phin buai ta a. Hemi thua hian thenkhat chuan hmingthatna duhin man lo pawhin Text Bu an siam duh a ni. Mahse tuna Dan hman lai ang chuan tuten emaw Text Bu an siam a, an approve chawp a, an chhu leh nghal a, a man duh tawk tawk an chhiar a, hei hi a dik lo. Hei hi siam tha turin naktuk rum ruma a theih loh pawhin tun thla chung ngai chuan tih fel nise tur kan Minister i/c ka chah duh a.

Tin, High School etc. te hi sorkarin a lak bing a dik lo, sem sem dam dama pek nise a tha, sorkar tanpuina duh leh beisei vek an ni a, tute emaw laka, tute emaw hnawl chu a fel lo ang, tanpuina phu tam tak an awm.

Tin, Forest Department thua Plantation te ka ti a, thing te kan phun. Kan Forest neih sa hi i veng him ang u. A sing tel tela sen fo ai chuan kan ram neih sa hi hmun tinah humhalh ila, a pawmawh hmasa a ni.

Tin, Housing Loan thua helai Dawrpui velah cheng sing engemaw ti an hmuh theuh ~~chuan~~ theih dawn chuan thingtlang mite chuan nuai engemaw zat an hmu ve tur a ni,

Tin, IV Grade Staff te R.C.A. leh S.C.A. te hi a tlem lutuk, tih pun tur a ni.

Tin, Movement Permit tih fo mai te hi engatinge tun thlenga a la awm? Naga te khu kei ni aiin an buai zawk, mahse, Movement Permit a awm lo. Kei nin engvangin nge kan neih bik. Khawchhak Lungdar ah chuan Identity Card an la hman a, an Post Commander pawh ka hralh tawh a, heng thilah hian kan Chief Minister tih turin ka ngen a chi.

Tin, khawthlang lamah leh Silchar kawngah Entry Pass tih khauh a ngai. Endik tur a ni. Pass an neih loh chuan kit tir leh tur. Chutiang anih loh chuan Movement

Khawchhak lamah thil dik lo tak tak a awm. Tur hnaiah Hauruang ah te pawh inkah hlumna a awm, engatinge kan Minister ten I.G.P. hruaia an kal loh. Tun hmam 10th Sikh ho an che nasa - In the name of disturbance - a chet tir fo hi a dik lo. Khilai Tlungval ah sipai pakhat a ang in Minister te kan hlau lo, kan kap mai ang a ti. A zahthla a ni. Mipuite min chhan ngam lo an nih chuan tunah hian ba mai rawh u. India sipaite hi min veng leh thlamuan tura lo kal nge an nih a, min tithlabar leh tibuai turin ngaihtuah tham a ni.

Chuvangin tui pawh hi mipuite hnenah pek ve ta tur a ni. **Mirethel** te i ngai-pawimawh ang u.

Tin, Bus Service te han en leh ila, tun thlen n Aizawl leh Lunglei ah Regular in a la tlan lova, hengte hi engnge a chhan? Aizawl atanga Silchar Bus tlan pawh hi kan lak vat a tul tawh a. Budget a a tel lo hi a pawh hle a ni. mipuiten kan mamawh tawh si a.

Tin, hna lak chungghang te han en ila, lak tura an tih diam te hi la leh lovin a ruk a ralin an la leh an lawi si a. L.P. Teacher pawh 200 lai District Council lo lak tawh te kha tuna sawrkar hian an la leh duh lova, khangte lak ngei ngei ka phur a, an mahni pawhin an qualified baw si chuan. A tawp nan Pu Speaker, khawngaih takin minute 3 lak min phal sak la ka duh a - Officer leh Minister hote nawana atan chauh ho budget hi si am niin a ngaih theih a. Mirethel te tan engmah a awm ve lo a nih hi! Khawpui mite chauh ngaihtuah lovin, thingtlang lam mize i ngaihtuah ang u.

Tin, Tuichang lei hi Budget ah a tel lo a, hei hi telh ngei baw ila ka phut a ni. Minister hote in a Moto In tur sak nan Rs. 15,000/- a han ruat daih mai te hi a u lutuk a ni. Ragya bundle 4 emaw 5 emaw lok dawn si. Buhfai hi a awm lohna a piangah thawn vat nise. Tin, L.P. School leh M.E. School te hman tur Text Bu (Zirlai bu) hi siam thaw vat nise. Political avanga in-transfer te hi bang tawh se. Buai avanga thi chhungte tanpuina ngaihtuah ran ni baw sela. Tin, Political field ah Office-staff te an in hman tur a ni lo baw. Vanlaiphai ah khian Overseer pakhat Pu Romawia a awm a, Politic ah a in hmanhawih hle a, hei hi sawrkar an kalh a ni. Khingte ~~xxx~~ khi transfer a dik an Chuti lo chu tungge an nih an inhre dawn lo. Sawrkar hnathaw chuan tu party mah tan chuang lovin rinawm leh taima takin hna a thawk mai tur a ni. Khawchhak ah Buhfai thawn vat nise Tuichang Lei dawn nan Budget hi siam tel (divert) mai ni baw se.

Tin, Contractor te hi a hna nei lai pek belh lovin a nei lo te tan pek ni baw sela. Tin, Family Maintenance te hi a hmu an awm a, hmu lo an awm a, a hmu lo te hian hmu ve vek sela. Tin, thingtlangah damdawi leh Nurse t Pharmacist te dah ran vat ni baw se.

PU K.SANGCHHUM: Pu Speaker, vawin a House a thu sawi theihna hun tha tak min paw avangin ka lawm a. Mahse member zahawm tak takte hmaa thusawi tur hian ka inthlahrung hle mai. Kan budget sawrkarin ni 180 zet ngun taka a lo thlir tawh hi ka han enin ka inthlahrung tak meuh a ni. Mahse tlemin ka han sawi ang a.

A bu ah hian pheik 300 vel zet a awm a, a ziak pawh a fiah tha viau nghe nghe a. Hemi bu pun chhungah hian kan bial Sangau Constituency leh F-L Region lam reng reng tan engnge chuang ka hre thiam lo hle a. A ram chhunga cheng, he budgetin a huap chhunga mi hi kani ve si a. Department hrang hrang chungchang ka thlir hian lung a awi lo a ni. Police Department thua lung a awi lo zual bik a. Sangau ah incident a awm a, chutah pawh kal tur an in hmu zo lova. Chuti khawp chu kan bial harsat, dan a ni a. Mahse tuna budget ah hian chutiang han tihfel deubna tur chanpual a awm si lo.

Education hi ram taha hmasawna kawnga factor ropui ber pakhat a ni a. Hei hi tih that theih a nih chuan mi chhe zawk tan changkanna tha ber a ni a. Mahse he mi thuch pawh kan budget ah hian kan bial lam mi retheiten chanvo an neih awm ka hre si lo.

Medical lamah pakai leh ta ila. Minister i/c in tam lo anga min sawi kha pawl ka ti a. Kan tam leh Medical lama kan tlakchhamna hi sawi pawl loh theih a ni lo. Mahse kan Minister Khan a briat fiah loh vang mai a ni. Pharmacist leh Nurse lamte kan nei lo em em a. Tuna kan budget ah hian chuti ang han tihpun tunna awm ka hmu si lova, thlahthlam kan ni lutuk hi lung a awi lo a ni. Heng tam thute phei hi chu kawng tha kan neih loh avanga harsatna tawz zual kan ni a. Mahse kan bial lam kawng tih thatna tur min ngaihtuahpuina a lang si lo.

Agriculture lamah lah chuan kan hnufual em em a. Hei hi kan sawrkar hian engtingge min ngaihsak dawn? Aizawl atangin buhfai min han pe thei dawn em ni? Pe lo vang. Chuvangin Agriculture lam thila kan harsatna hi engemaw ti kawng tala min ngaihtuah vat ka ngen a ni.

Block lamah lah kan D.C. ai chuan Gramsevak te pawh an ropui zawk daih mai a. Chung pawh chu kan mawl vang a ni hranpain ka hrelo. Min ti hant tura sawrkarin a tih tur a tih loh vang a ni. Chuvangin kan kan ~~bctote~~ hian min han tlawhin va hre chiang ve se tih ka ngen duh baw a.

Tin, Industry lamah hian chuan sawi ngam loh khawpin kan lang lova, a hming hria pawh an tlem a ni. Pa ho zingah phei chuan han sawi ila, "Industry" tih chu "Vaithang" tihna emaw an ti mai. Chuti khawp chuan a hming mai pawh kan hre lo va. A chhan chu Industry lama sawrkarin min enkawl loh lutuk vagg a ni.

Tin, P.W.D. lamah lah hian hnathawk thei awm kan bial lamah sawn dah an awm lo. Mohurir te chu sawi loh Santal, pakhat pawh hnathawk turin hmu tur kan ramah an awm lo.

Tin, Forest lamah pawh hian, ngaih saka hman that tunna chu awm se, Mizoram chhim lamah sawn hausakna

Loan lamah pawh hian thingtlang lam, min
thlangtu mipuite kan ngaihthah lutuk. Keini ang bawk a
mihriang kan mamawh ang leh kan mamawh afa nasa a mamawh
an ni a sin. Chuvangin i ngaihsak deuh ang u.

Tichuan kan budget hi a tawk lo lutuk a. 10.7.72
a Lt. Governor-in he mi House a a sawi kha ka la hre
reng a. Mahse chung chang ni lovin a tlea em em si, engtin e?
Chung ang thilte chu tha tak leh chak taka kan hman thuzi
theih nan theihtawp i chhuah ang u.

PU VANLALHRUJIA: Pu Speaker, wawihnah Budget sawi hona
nei zawn zel thei hi a lawmawm hle a.
Nimin lamah pawh Budget thu hi kan sawi tam hle tawh a, ka
hmaaah khan Member zahawm tak Opposition Leader Pu J. Thanghama
kha a Nu Ting bo an vak mai a, a thla a phang hle ni pawhin
a lang a. "Rairah chhantu chung Pathian ka ngai zawnzawm"
kha a rawn ti hial a. Lo thlaphang in lo lungngai mai lo
sela, mal deuhin a inhria pawh a ni ang a, kan tang ho vek
dawn a lawm, kan chhan deuh ang e.

Awla, hei kan budget chu kan sawi ta deuh tiam
tiam a, kan budget neih hun tur hi kan nghak hlelin mipuit
pawhin an nghakhlel tak meuh va. Thingtlang lamah te phei
chuan Budget Session an nei thei dawn lo. Lt. Governor in
a phallo ani awm e, tite in Political kheih nan tak-a lo
hmah tawkte pawh an awm ni awm tak a ni. Amaherawhchu hei
rin aia hmain Budget Session chu kan nei leh thei hma ta
zawk a, a lawmawm ngawt mai Budget siam hi thil awlai a ni lo
tih chu kan hre theuh ang a, kan Minister ho leh kan Officer
ten theihtawp an chhuah tak zet avangin thia 6 lai siam ngai
tur, hei thla 3 chhung lekin Budget Session min neihpui thei
ta mai hi an chungah lawm thu sawi pawh kan ba hle zawk a ni.

Amaherawhchu hei kan Budget hi ngun taka kan
thlir chuan a lawmawm dan a fankin hlel ceuhin a lang, tun
a kan Budget hi an thlirin a huan chhung pawh a zim deuh
hlelin a lang a. Kan ram siam that nan tiin thu kan sawi de
dum a, chung kan sawi zawnzawngte chu tun Financial ral
hma atan chuan thawh vek hman pawh ani lo vang a, Motor
kangte pawh laih kan duh a. A bik takin kan bial chhung
motor kawnglai te pawh tul hlein ka hria a, kumin a laih hman
anah loh pawhin Alignment te tal chu tih ve ngei ni thei sa
ka duh a ni.

Kan sawi tak ang khan kan bial chhung bik tan
pawh kan bei theuhva. Kei pawhin June ni 11 khan kan
Development Commissioner hnenah ka bial bik tan a Plan leh
Scheme ka siam te chu ka thehlut a. Budget a min khung sak
ngei tur pawhin ka ngen a. A ni pawhin tawngkam chuan
budget a khung a tum thu min hrih a, ka lawm hle nghe nghe
a. Mahsela hei rin loh takin chung ka plan leh scheme te ch
pakhat mah kan budget ah hian a lang ve ta reng reng lo mai
a, a mak pawh ka ti hle.

Amaherawhchu Budget hi tun tumah chauh kan nei
dawn lova, kan la nei fo dawn a, theih tawp kan chhuah
tlang zel ang a. Budget siam tute pawhin Budget leh ah chuan
zau zawk leh bial zawnzawng huap ngei turin rawn ruahman
hram tum tawh sela. alawmawm

Tin, D.P. Zirtirtu lak tur thuz a lang a. L.P. Zirtirtu hi 200 chauh lak lak tur niin a lang a. Finance Minister zabawm tak khan Budget a hawna ah khan naupang 40 zirtirtu pakhat zelin a ho thei tawh tur niawm tak khan a sawi a, chuti anih chuan zirtirtu 300 aia tam lak belh ngain ka ring a, kan Minister te pawhin min lo ngaithiam sela, ka bial lamah chuan zirtirtu hi kan la indaih lo nasa zual bik a, naupang 40 zirtirtu pakhat hisap a lak belh a nih chuan zirtirtu 20 aia tam kan duh belh dawn a, hei hi tun tumah hian min tih khah sak ngei turin ka han ngen pghal bawk a ni.

Tin, nimin lam khan Pu Lalsangzuala Member zawhawm tak khan E.G.S. chungchang thu kha a rawn sawi lang a, a bik takin ka bial chung thute a rawn sawi lang a. Pu Lalsangzuala hian thil a hre lo hle niin ka hria, EGS hna thawh dan hi D.C. lamin fel takin Dan hetiang hian siam a ni a. (A chhiar a) Danin a sawi angin EGS hna hi Village Council kutah eraw mimal mirinawm nia an hriat hnenah Contract a pek theih a ni a.

Tunah hian Ngopa Jeep Road laihnqn E.G.S. atangin mel ah Rs. 2500 hisap in 3rd plan laih a ni a. Dan in a phol angin Village Council leh mimal hnenah contract chu pek a ni. He kawng laih nan hian avain tunah Rs. 12,500/- vel mel ah hmar a ni tawh a. P.W.D. senso dan ngaihtuah chuan engtham mah a ni lo. P.W.D. chuan mel ah Rs. 50,000/- te 60,000/- te an seng deuh ber a, B.R.T.F. chuan mel ah Rs. 2,00,000/- te a aia tam te an seng a, E.G.S. ah erawh chuan mel ah Rs. 12,500/- sengin tunah hian Jeep Road mel 43 zet chu laih a ni a beisei dan chuan December 1972 ral hma ngei hian thal kawng chuan Ngopa thleng a Jeep lak luh theih ngei kan in beisei a ni.

Deputy Commissioner hnenah pawh motor kawng ka thu a ka biakin a mamawh zia hi kan sawi fo tawh thin a, mel ah Rs. 20,000/- te chuan min tih sak sela chu Jeep kawng tha tak kan siam theih ngei ka beisei a, tuna mel a Rs. 12500/- lek pawhin Motor kawng hi kan it er avangin hlawkna pawh ngaihtuah lovin ka bial mipui te chuan an lai a, hetiang lek tangka senga Jeep kawng kan lai thei hi fak tlak kan ni in ropui ka ti ngawt mai. Pu Lalsangzuala hian thil a hriat chian loh vang chauh a ni ngei ang.

Ka hmaah khan kan Opposition Leader kha a ang hle a, Riil 6 lai tun hnaiah a han fang ni awm tak a ni. Buhfai te pawh a han sem hnem hle a ni awm e. Hetiang mi kan awmte hi a tha ve reng a. Amaherawhchu amah insawi angin Minister te aiin a lal zawk ni hial awm a ni.

Kan budget hi ka duh tawh lo hle a kan bial ten min zawt sela sawi tur ka hre tlem hle awm e. Mahse kumin a kan thawh theih tawh tur a an ruahman anih ka ring a.

Tin, Veterinary leh Agriculture Department hi Directorate khatah an dah a hei hi a hnan a dah ngei awm ah ka ngai. Tin, Forest leh Soil Conservation erawhchu Directorate khatah awm dawn awmin an sawi a a tha ka ti ngawt mai.

Tun lai hian kan ramah sipai in lai an hrawt thar leh deuh niin a lang a, Lunglei ah hmeichhe 3 an pawngsual a, mi pakhat an ti hlum bawk a, Lungdar lamah nula an pawngsual bawk a. Hetiang a sipai in lai an hrawt a kawhmawh an bawl thar leh ta hi tih tawp thuai dan ngaihtuah a tha ang a, a tul chuan an battalion te pawhin sawn chhuah ni hial se sawrkar in ngaihtuah thuai a tha ang.

Tin, Loan (tanpuina) chungchang hi a beitham lutukin a lang a, kan mai tam tak ten buai avangin an In leh Lo an chan a, tan an lak lehna turin tanpui an ngai a, tun a kan Budget a loan hi a tlem lutuk a ni. Budget leh an chuan zau deuh zawk leh tam deuh zawk a, bial tin te huap an leh intodelh theihna ngei turin rawn ruahman tawh ngei turin ka ngen a ni.

SPEAKER: Hei tunah chawh a hun ta a, chawhmu dar 2 ah Budget discussion kan tan leh ang.

Recess till 2 P.M.

2 P.M.

SPEAKER: Discussion kan tan leh ang a, vawin hi kan zawh ni tur a ni a. La sawi ve lo an awm a, kan sawi ula.

PU F. HRANGVELA: Pu Speaker, hei kan ramah Tlumtea thlira kan lo thlir Budget chu Finance Minister zahawm takin hre House ah ngei a ban chhawm thleng ta a. Chu mi sawi vena hun tha tak min pek ve avangin ka lawm e.

A hmasa berin Water Supply thu kha han sawi phawt ila. Mizawl leh khaw thenkhat chu Tui supply pek tum niir sawi a ni a. Mahse he ni kawngah hian ka la thlaphang hle mai. Kan P.H.E. Department chuan kan htiat theuh angin Mizawl khawpui supply an na tura an beih chu thangkhat lian deuhthaw lai a ni ta a. Chuti chung pawhin sawrkar hotute nawrna nasa tak avangin tunah hian a hman theih tan tawk tawk a. Chuvangin he thilah hian hotute nawr zel ~~tax~~ na lo chuan Mizawl khawpui tan hian a la thlamuan awm lo hle.

Tin, tunah hian a semna point hi a khat lutuk a chu chuan mipui chungah harsatna a siam nasa hle a ni. A semna point thenkhat - entirnan - Khatla te ang hi chu a bial zau em avangin a latu an tha hmem lutuk a, hun rei tak tak ngah a tul avangin mipui tan a buaithlakin hna a thuh thlak lutuk a. Motor a sem hi a tawp si chuan a lungngaih thlak hle a ni. A point siam tamna tur pipe te a la thleng kim lo ni angin an sawi a. Chutiang tichak tur pawh chuan P.H.E. hi hotuten an nawra an tan hle loh chuan kan mangang rei lutuk ang tih a hlauhawm a ni.

A pipe awm saah pawh an thawk chak lo hlein a hria a. Mission Veng a point pakhat atana an pipe fit lai a hmu a. Naupang te te 4 hna la talam awm lo tak takin an bei a. Pan en mai hian an thiam lo hle tih ehriat nghal. Hliah hliah a, chutiang chu P.H.E. tih dan pangngai a ni a. Hmanah pawh kan sawi tawh angin, tute emaw blaah avangin an ti chhuak thei chauh a ni a. Chuvangin tan an lak hle a tul ang.

Agriculture lam hi a tul zual hle bawk. Kan ram anga ram zau tak tak wata lo neihna ram hi a tamin ka ring lova. Hei a kum telin kan tam tual tual mai si. A changin Cyclone kan ti, a changin Khawkheng kan ti. Mahse chung avang lo pawin ram a bua lutuk tawh avangin kan tam zel dawnin a lang tlat mai. Chuvangin he lama kan Budget ruahman kha a tawh lo hlein ka hria.

A bik takin ka bial chung lam, Tuipui ralah te khian Leilet tur a tam mai a. Mahsela kan Budget ah hian Thenzawl te, Chite lui ruam leh hman that hman that the h mang hleth loh tur tuan leh manga ni tawh bik hi a lo lang chauh mai a. Chuvangin kan budget ah hian, the h ang anga Tuipui tal lamte pawh a tel ve theih nan tih zauh hram hram ni se. Kan pawisa hman tur pawh hi a tul ang anga divert ni bawk se. Chuti lo chuan heng tuna kan ruahman na ram chhe a hian kan ram tam hi a dawnin min develop in ka ring tak te thei lo a ni.

Tin, Education lamah hian L.P. Zirtirtu 200 lek lak tura ruahman a ni a. Hei hi a tling tawh lo hle. Kan ramah hian naupang 40 zel Zirtirtu pakhatin ho tur pawin Zirtirtu 300 lai lak belh tul ngei ngei sa a ni a. Chuvangin naupang 40 zel pakhatin ho tur ang tal chuan Supplementary budget a telh leh dan ngaihtuah hram ni se. Chutilo chuan kan ram hi Education lama kan hmasawn tur angin kan chak thei dawn lo a ni.

Mahni bial lamah rilru a awm lo thei thin lova. He Lalhuthlenga min dahtu mipui leh an sikul te kan ngaihtah lutuk chuan a pawh hle dawn a. Ka bial chu Burma ram depa awm a ni a. Vaphai ralah khian khaw te tak te, Leilet khua a awm a, chu pawh chu Burma sawrkar chuan a dang pawimawh awm zawk tam tak kal kanin changtlang takin a cheibawl in, Sawrkarin M.E. School te Police leh Damdawi in nghet zawk te leh an leilet te puitling takin a enkawl saka mipui an zangkhai phah hle mai. Chumi avang chuan chu khuach chuan ka bial chhunga mi mangangte pawh an pom a, an la a ni se pom leh mek zel a. Chutianga kan ram atanga mangan avanga panna te chu a reh thuai theih nan kan sawrkar hian a tih tur dik tak a tih ve thuai a tul a ni.

P.W.D. lam - He Department hi kan ram hmasawna tura kan innghah chhan pawimawh ber pakhat a ni a. Mahni biala thawk ve turin kan awm hlawn a. Kei ngei pawhin ka bial chhunga an thawh vena turin hotute hnonah ka sawi tawh a. Mahse Scheduled of work ah hian ka bialah Rs.3,000/- emaw lek a lang a. Hei hi ciu satah chhuak pek pawh a tluk lo a ni. Ka bial lam hi hotuten an theihngihlh lutukin ka hria. Bial thankhat. Silchar kawng lamte chhuak a ni.

Tin, he Department ah hian mi thiam tam zawk pawh kan mamawh a nih chuan mithiam zawk te pawh an thawh duhna turin Special Pay te pawh the deuh tham a siam ni se. Tin, Chutiang a mi dangte kan rawih chuan kei mahni ngeiin mi thiam kan neih huna kan hnar mai theihna turin Contract system a rawih ni se. Hna nghet a kan rawih mai chuan tuna atanga hun rei lo tehah kan nula tlangval ten an la rawn thiam vein kan tukhuma min la nain zat ngei ang. Ram dang mithiam te aiin kan mi - trained passed te hi i kai-san tir sung sung zawk ang u.

Tin, Group Centre tinah hian a hming chuan dandawi lam theihna tur siam a ni ve a. Mahse chungah chuar dandawi hmuh tur a awm chuang lo hle a. Bial hla zual e.g. Pu Vanlalhruala bialte leh ka bial angah te khian dandawi tlachham lutuk lova an awm reng theih nan Grouping Centre tinah Porter paruk zel tal dah nise. Chungte chu a tul hun apianga Aizawl a dandawi leh mamawh dang rawn phur thin tura chhawr ni se. Tichuan tlakelham lutukna chu a phuhru ngeiin mipui tana thlamuan thlak hle ang.

Tin, kan ram a Department pakhat Animal Husbandry hi Directorate dang in kaih kep mai lovin Directorate hran in awm se. He Department hi lian zawka siam a, a ram chang lai laiah - Pan vulhna farm pawh tam zawk siam ni rawh se. Ka lawm e.

PU LALRINLIANA: Pu Speaker, Budget thuah sawi tur a tam hle. A hmasa berin hei Budget chu kan hma a, chin pawr tum chuan a chin pawr theih hle ang a. Duh tawk lohna thu a tam hle na a, ka lawm hle mai. He Budget hi hun reilote a tana hman rih tur a ni a. Pawisa a tamin hmanral pawh a huphurh awm lek lek zawk a. Hmuntin, inang thlapin tih theih rih loh mahse, Budget leh ah chuan kimchang zawkin tih anih ka beisei a. Member zahawm takte sawi tawh angin Bazar kang thuah hetiang a an rawn siam hi a lawmawm hlein ka hria. Sundawng mite hi an pawmawh in an kutah kan in nghat nasa a. An dawrte hi mite hal sak a ni a, an zangna dawm sak awm tak pawh an ni reng a, tuna puk theih tur Budgeta a lo awm hi lawmawm ka ti hle a ni. Budget lehah chuan thingtlang lam unaute pawh ngaihtuah zel an nih ka beisei a.

Budget ah duh angin ka en (study) hman lova, mahse Isolation work hi ka hmu a. Aizawl a Santen a len vak tum khan Hospital lam a khat hle a; harsatna lian tak an tawk reng a ni. Natna dang khirh tak takte pawh Hospital a Admit theih loh an tam a, chuvangin hetiang lam hi tih hmasak ber turah ka ngai a. T.B. natna te hi ngaih pawmawh chi a ni a. tun tuma Lunglei a T.B. khum 8 (pariat) chauh awm tura tih pawh hi a tlem lutuk a, a tlem berah 50 tal awm rawh se.

Tin, Animal Husbandry hi Agriculture Department in a kawp a harsa hlein ka ring bawh a. Experience nei mang lova, Directorate in a kawp chu a fel tawk lo hle a, chuvangin Budget lehah chuan a hrana siam ni tawh se la.

Tin, Aizawl ah Jail 2 kan hei a, pakhat zawk chu CRP in an luah a, hei hi a fel tawk lo bawh. Pawisa a lo awm takah chuan a ranglama tih fel vat nise.

Tin. PWD lam hi an ngun leh zual ni sala - 1 - 11

ka bial anga ngain sawi ka duh a.

Medical chungchangh Aizawl te Lunglei te tih len tum a ni a, a lawmawm a, mahse vawikhat an chuan tih mai theih a ni lo chungin, thingtlang lam hi ngaihtuah loh theih niin ka hre lova. Helai ~~hupui~~ ^{hupui} te tih len a tul ang bawkin thingtlang lam pawh hi a tul em em in ka hria a. Tum tumah a theih loh pawhin siam a hup leh mai dawn a. Chung hunah chuan tih ngei nise ka duh a. Thingtlang khuaah hian nau chhar thian te hi khawtin ah an awm mang lova, phuahchawp a nau chhar mai mai te a nih avangin thihna te hi a tam phah em em a. Dispensary te dah anih loh pawhin khaw lian deuh ah tal chuan staff nurse emaw Midwife emaw tal dah ni ngei se, chhan theih ngei awm thi an awm thin a, chung chu kan tih ngei tulin ka hria.

Tin, kan Budget hi a sawi apiangin duh khawp loh thu an sawi deuh zel a. Kci ka ngaidan in hun rei lo te chung hian kan hman zo hmar lo khanglang ang tih ka hiau a, a thawktute hian an thawk zar zar tur niin ka hria. Kan ram hian thingtlangah leh khawpuiah pawh tlem a thawka tam tak hlawh tum hi kan tam tawh a, hei hi kan hman tam hmelma a ni. Heng Office hrang hrang hnathawktu te thleng pawhin hotu awm loh hleka haw hum hum mai te kan ching a, mahni hna anga thawktute hi an tlem em em mai. Kan ram in heng thil te hi kan ngaimawh em em tur a ni.

Figoram sorkar kan lo neih ve takah hian kan ram fan a thil tha duh tu te ngei hotu ah te pawh kan lo neih tak avangin a lu ber ber ten an beih a, hong dawngdahna te hi an tihbo a tul em em a ni.

Tin, an sawi tawh angin hei kan ram veng himtu tura ngaih sipaita min hmusit em emtu kan neih hi ka ngaihtuahin ka tab a chhuak thin a ni. Heti hawpa hmeichhia te min hmusita dik lo taka (Pawngsualna) ka hi ti tu te hian min hum him lovang. Kan hmelma an ni lawk lawmri ka ti a ni. Hei hi kan sawrkar thar hian an ngaihtuah tur a ni. Hetiang thil tenawm titute hi kan ram chung ah chuan hman danga sawn an nih pawhin an awm hmunah an ti leh tho ang a, Chuvangin kan ram atanga sawn chhuah ni ngei rawh se. Hei hi ka rilru ah ka ngai pawimawh em a ka han sawi ve a ni.

PU L.P. THANGZIKH: Pu Speaker, vawinah hian kan ram Budget chungchang thuah sawi vena hun ka neih dawn avangin lawmawm ka ti a. Amaherawhchu hun bi tawi te tuk a nih avangin leh hetiang hun bichilh taka sawi tur ka nih avangin pawl ka ti a. Chuti anih avang chuan hun thawl deuh a awm beisein a hnukung lem ka chuh deuh a ni a.

Ka hmaa sawitu ten an sawi tawh angin kan budget chu kan han sawi ho ta chu a ni a. Mahse thil awnzia kan lo hre Chiang lo hle tih te ka hre chhuak a. Ka lo rin dan chuan Inthlan zawh fel hnu lawk atang Khan Budget Session hi nei mai turah ka lo in ngai a. Chutiang a nih tak si loh avangin ka bei te pawh a dawng hman run run a. Amaherawhchu hman nia Finance Minister-in a han sawifiah kha chuan hotute leh hnathawktu dangte hna lo thawh nasatzia te ka hriatin lawmawm ka ti hle a.

Nimin lama Member zahawm tak tak tea an han sawi atang knan kan budget chu kan duh tawk lo hle tih chu a lang a. Bial kan han fang a, kan bial te min lo ngenna chu - Engtinge kan khawtlang hi min tih chang? an ve ang? tih te? a ni ber a. Chungah duan Member dangte pawhin thingtlang lama kan hotute ngenna chu in tawk ngun hle ve theuhvin ka ring a. Budget Session zawh atang hi chuan laa leh thil dang kawng tin rengah sawrkar hmel lang uai uai turin mipuin an beisei thuap a ni. Mahse kan sawi tawh hlawn angin bial thenkhat ten chuan a heidawn thla hle dawn a ni.

Amaherawhchu kan hotute an sawi angin kan neih chhun pawh chu hman zawh hman loh a hloubawa nle thei bawk a, hun hi a tlem pawh avangin tan kan lak a tul hle dawn a ni.

Ka sawi duh ler pakhat chu Bial thenkhat hna thewna tur a lang ve lo hi kan hotute siam fel dan pemchang an hriain ka ring a. Entirna - Tunah hian Lungkawh leh Thingsai inkarah khian E.G.S. in hmanah khen Jeep kawng an lo lai a, chu chu mei 16 a ni a. Development grant leh E.G.S. a an laih hnu chuan laklawh takin mei chanve emaw lek tur hi laih zawh loh in a awn a.

Chung ang te chu tuna lan Budget ah hian lang lo mahsela. Development grant atangin emaw a tih ngaihna awm se ka ti a. Khinglai Thingsai leh Cherhlun lai te khi ar pawimawh em em mai. Thingsai ah chuan Thlawhna in a thlak thei lova, tin, chutia Jeep a thlan theih bawk si loh chuan hla tak ata chu Head Load in an blur thin a ni a. Chu chu mei chanve lek siam zawh loh awm avang chu a ni.

Tin, Hnahtial leh Thingsai inkarte pawh khi nasa taka laih tawh a ni a. Chutah pawh chuan hmun thuma then hmun khat lek laih zawh loh a la awa bawk a. Tin, Hnahtial leh S.Vanlaiphal inkara Polodyne lei dawh pawh khi thil tui tak a ni bawk a. Mahse head hi chu lei puitling taka dawh a nih dawn chuan hmun leh sam pawh a ngai tam lutuk a ni thei a, mahse mihring chauh kal tpehna tura lei dawh chu thil barsa lutuk nain ka ring lova. Chu tai chu tun thal chung hian dawh ngei ni se. Kumin pawh Khan tui lian avangin Lawng an kar kai ngam si lova, chunt avang chuan S.Vanlaiphal chuan nasa takin ei tur lamah manganna an tawk a ni. Helai lei dawh hi kan thlahthlam chuan mihring muna tam tak kan la chan ngei ngei dawn in a lang a. Chuvangin helai kawng pawimawh tak leh lei dawh tur hi ngaihtuah thuai nisela.

Tin, Water supply thu kha an sawi uar hle a, Aizawl atana tawk loh zia te kan ngaihla a, hun engemawti atang Khan Aizawlah chuan Motor a sem a ni tawh a, a la tawk lo hle phei chu a ni thei a, Mizoram in khawpui pawimawh ber dawtu lan neih Lunglei ah chuan tun thlengin tui sem a le awn lo.

Chuvangin tuna kan ram sawrkar hi chuan Lunglei khawpui a tui an han sem ve hi mipuin kan beisei khawp mai.

Tin, Aizawlah chuan Jail pahnih sak a ni tawh a, Mizoram khawpui pahnihna Lunglei an chuan tur thlengin Jail sawi tur a la awn lo. Hei hi engate a chhan ni ang? tiin ka ngaihtuah thin. Mautam laia Bihfai dahna atana sawrkar Godown sak...

Tin, Hospital lam thuan kan budget ah khan T.B. natna hlahawm tak vei dahna tur Gangleiah khum 8 chauh a awm hi a tlem lutuk baw a. T.B. te chu hun rei tak tak damdawi in a awm tul chi anih avangin kan sawrkar hian khum 8 aia tam zawk siam belh thuai ni sela.

Tin, pawisa hmandan dik lo thu hi kan sewi tam hle baw a. Department hrang hrang te pawisa hman dan dik lo chungchang kan sawi hi a dik wiauin ka ring. Tuna kan sawrkar tharah hi chuan kan hototuten corruption hi an ngai-mawhin tih reh turin an bei ngalin ka ring a. Ka han sawi veduh chu, General Department-a Civil Transport chungchang thu hi a ni a, Civil Transport hi sorakin a hman dan tur nia lang chu, sawrkar hnathawkte zin veduk te leh Transfer a kalte chhawr atan leh tun ram bei hnath hi chuan, supply buhfai ilo phur a hman tur niawm in a lang a. Chung ang kawngah chuan huang ve baw mahsa hmanna dik taw lo deuh a hmanna te awm niin hriat a ni a, chung thil avang chuan sorakar hna hmanmawh kal lai a ta khawtlai in harsatna a theng thei thin a. Heng ang harsatna lo thlenga chian te hi Officer te leh staff dang thekhat ter an-mahniin an in lama an lo chhawr pon ve avangin a lang a, chuvangin heng te paw hi a hman dan tur ang dik uaka hman an nih theih nan hotuter lo en ngun sela thain ka hria.

PU HARI KRISTO CHAKMA: Pu Speaker, kaimahni hial ah sawn Sazu a ptinga, kah a sch zo a ni ta a, bei hi sorakin ngaihtuah vat turin ka ngen a.

Tin, a dang lehah chuan Medical lam ah hian supply kan ngai a, Doctor te Pharmacist te kan ni lova, Damdawi te kan mamawh em em a, sorakin min ngaihtuah vat turin ka ngen baw a ni.

Tin, Agriculture lamah lo naitu te tan tanpuina sawrkarin min pe ve se ka duh baw a.

Tin, Communication lamah kan hansa em em a, kawng thah kan nei lo va. Bornopansuri lah Dema iin ah te hian Motor kal theihna turin kawngput kan mamawh em em a ni.

Tin, a dang leh ah chuan Education lamah Private High School leh S.V.P. M.E. School pakhat kan nei a, hemi hi sorakin la se tunah hian grant-in-aid tlem clem chauh kan hmo a ni.

Tin, Administration lamah hian 1st Class Magistrate pakhat tel nei ve ila ka duh a ni.

Tin, Telegraph lamah hian harsatna tam tak kan nei a, Demagiri ah chauh sawn a awm a, ke a kal a ngai si a, hla tak tak atanga pan a ngai a, hangah te hian sorakar in kan harsatna hi min ngaihtuah se ka duh a ni.

Mizo tawng hi ka tan a hansa a thu tam tak sawi thei ka ni lova, chu chu tawh mai se.

PU KHAMTINKHUMA,

FINANCE MINISTER: Pu Speaker Sir. Mizoram Budget hmasa ber chungchang thuh kan Member zahawm tak lo'n

sawina an nei hlawn ta a, a ngaimawm hle mai. Budget hmasa ber a ni a thawktu leh hun kan nei hle avangin, duh angin kan tifei hma thei lova, a pawl kan ti hle. Union Territory kan nih atang chuan thla sawm (10) a ral dawn hial ta a, mahse popular Government kan nei atang chuan he Budget hi siam lo'i a nih a, Member zahawm takte hmasa Budget Session a kan han pharna hi thla nga (5) a ni theih a ni. Mizoram Budget hi siam peih a nih a, Budget Session kan nei theih mai inrinna chu a rei hle tawh a, kan nei harna chuan chu, memberte'n in hriat tawh angin hengt e hi an ni. Mizoram hi Assam rama District dinmun atanga chhuakin U.T.dinmunah 21.1.72 atang khan a lo awm ta. District Staff-te chauh kha a chhawn a, chungte chuan he Budget hi an buatsaih ta a ni. Tan hmain State Budget an la siam ngai lova, a siam pawh an harsat deuh viau a ni. Entown tur mumal leh in nghahna tur tha awm lo atanga din thar a ni a. hun rei lo tak chhunga he Budget buatsaihtu Officer te leh Staffte chungah lawm thu sawi pawh a tul hle in ka hria. Hrua dang U.T.Sawrkarah te chuan Budget siam turin a thawktu Staff tam tawk tak an awm a; Department hrang hrang atanga U.D.A. leh L.D.A. thlan chhuahte'n an tanpui bawh a ni. Zoram Secretariat-ah chuan, thawktu kan nei tawh loh avangin mi tlemte in chhun leh zan tak meuhvin kan Budget hi an buaipui a ni. He Budget hi Memberte ka atanga kan lo ngaihthlak any khan a tlangpuiin an st deuh niin a lang a, kumin chhunga he U.T.thara hman tur hian Budget chu Vaibelchhe 18 dawn lain siam a ni. A tan tawh lo ti pawh kan awm a ni thei e. Mahse tuna mi hi kan Budget hmasa ber a ni a, a thawh hun tur chung leh a thawktu tur te ngaihthuh chuan tlem luguk lovin a lang. Tuna kan Budget a pwisa awm hi a hmanna tur taka, rinawm tala hman anih chuan kan Ram leh mipuite hian kan that phah nget ang.

Tin, kan Member zahawm takte'n tun mai a chhiah pek tur angin an sawi a, mahse a ni lova. Mizoram hi mahni ke a din duh mi kan rih avangin, keimahni kut leh ke ngelin din tum Ala tih thu a ni zawk a. Chhiah kan khawn dawn tihna a la ni lova.

Tin, Mizoram District 3-a then hi a in tiat lo hle tia sawi a ni a. Mizoram U.T. dinhuna a lo awm tirh khan an lo buatsaih chhoh danah tuna districts pathumte hi lo buatsaih a ni tawh a. Deputy Commissioners pathum hna pawh chung district tan chuan siam tawh a lo ni. Tuna popular Government kan nei lma hian, district council pathumte pawh hi lo, siam an ni tawh. District ramrite chug a tul dan angin remruatna leh siam thatna a la awm thei ang.

Legislative Assembly Department lante pawh kan Member-zahawm takte sawi angin a tha tawh lo niin a lang, kan district council hlua thawh tawhte kan hman zel avangin. Mahse hei pawh hi a tul a nih chuan, a siam that theih a ni e.

Tin, C.A. te pawh hi tul lo viuvin an lang a, mahse Thingtlang lam chanchin hre bertutte an nih avangin hman zui loh theih a ni rih lo. Chuvagin hei pawh hi tunah hi chuan la kal tir zel tum a ni rih .

Kan Education enkawl turin Director thar kan nei ta. A tlangpuiin a hnathawh ah kan hotuten an la fak viau rih. Plan Scheme a siam pawh a felin a tha hle. Mizoram zirna lam te pawh siam that tum hie in a lang. Nakum lamah chuan fel zawka zir lai by (text) te pawh buatsaih ngei tum a ni. Tin, L.P. Teacher 200 lak tur pawh hi a la tlem lutuk a nih chuan a tul angin nakum lamah lak belh a ni ang, zirtirtu pakhatin naupang 30 atanga 40 enkawl thei tawk turin.

Tin, Inland Water Transport hi zoramah chuan tih tham kan la nei meuh lo. S.D.O. Bilchar a mi in a rawn ho va. Zoramah chuan staff tiente Bairabi ah khuan an awm. De Department pawh hi siamthata, siam len zawk tum a ni. Zoramah luite hi la cheibawl a, lawng kal theih nan siam that zel tum a ni. A bikin Tlawng, Tut, Tuipui etc. te hi Motor kawng bakah thil thawn chhuah leh thawn luh nan hmar theih tura siam tum zel a ni.

Tin, Rehabilitation Loan thu pawh hi khawpui chung huan chauh ni loyin, thingtlang lam tan pawh ngaihtuah a ni. Rehabilitation hi a thlawna pek harsatna a awm avangin, Mizawl Bazar Dawrkai te hi tanpuiina dan ngaihtuah a ni ta a. Chumi a tan chuan a puk a puk turin tangka hman phal a ni ta. 1966 buai hma kha chuan kan Mizaw Dawrkaite dinhmun kha a tha tawh hlea, vai dawrkai ten an tluk lo mah zawk a nih tawh kha. Mahse Mizoram buai kha nasa takin a nghawr chhe ta a ni. Tuna pawisa an han puk tur pawh hi an bul tan lehna tura tih a ni a, nakin lamah an la rul leh dawn a ni. Dawrkaite hi ram hmasawna darthlalalng an ni ve a, an dinhmun hi a dawimawh viau reng a ni. Kan dawrkai te hi vai in rawn lan lo se kan duh a ni. He mi thua Budget kan han ruahman hi mi hausate tan chauh a ni love. Thingtlang lam mite tan pawh kawng dang awlsam zawk a an hmunna tura beih zel tum a ni. Mahse kumin mai atan chuan bun hi a tawi deuhva, a tih nghal mai theih rih loh a ni. Tin, Loan (a puka puk) hi rulh leh a harsat avangin thingtlang lam mite thenkhar chuan duh pawh an duh lo a ni. India sorkar khuan ram lei natleh in sak nan pawisa chhungkhat tan Rs. 1,500/- a pekna scheme a nei a. Chumi grant atang chuan thingtlang chhungkhat tan tak tanpuiina hmuh kan tum ang. Hei chu puk a ni lo vanga, a pek a pek tur a ni a, thingtlang kan unaute tan chuan thil tha zawk a ri ang. Agriculture loan tunah chuan a awm a, hei hi thingtlang lam mite tan bik a ni deuh ang chu.

Petrol manah hian Assam a chhiah (Assam Sales Tax) kan pek thin hi kan pe dawn tawh love. Sorkar laipui ah chhiah (Central Sales Tax) chauh pek a ni rih ang. 1 litre mar atan Rs. 1.43 kan pek hi Rs. 1.37 velah a chhuk ang. Sorkar in heni thua hian Order a siam thua rin a ni. Chuvangin Petrol man chu a hniam thei deuh dawn ta anih chu. Hei hi thil lawna tak a ni.

Tin, Dandawi leh Dandawi In thuh pawh thingtlang lam ngaihtuahna a awm love. Thingtlang hmun hrang hrang hian Doctor te. Health Centre te, Dispensary te awm sela kan duh a. Khawtinah hian Midwife emaw Nurse emaw te tal awm thoi bawh sela kan duh, dandawi tam tak nen. Mahse tura kan neih laite tan pawh Doctor leh Nurse kan hmu daih rih lo. Nakum lamah chuan a tam thoi ang bera tih ngei tum a ni. Member tak ten lo ngahk hman.

Kan Budget hian Zoram pum huap lo anga sawina kan Member thonkhat khan an nei zauh zauh a, mahse zoram pum tana siam Zoram pum huap a siam a ni a, chhawr dan erawh chu hmun tinh a in ang vek kher lovang. Duhthu erawh chu a sam lo deuh a ni mai thei. Plan Schemes hi siam thiam a ngai hle a, hmanhmawh taka siam an nih avangin duhthu a sam zan lom lo a ni.

Rubber Plantation hi kan ramah hian hlawhtling thein a lang a, ngaihtuah mek a ni a. He thiloh hian Rubber Board Control hnuaiyah a awm a, an representative kan hnaih ber chu Tripura ah khuan a awm a, Zoram rawn tlawh curi sawm a ni nghe nghe a. He thil hi a that theihna tura hriat ramah te chuan chintan ngah tum a ni.

Mizoram hi sorkar thara kan lo awm hnu hian thil man to thar la thut anga ngaihana a awm. Hei hi sorkar thar kan neih vang a ni chuang love. Hei hi ram dangah pawh thil man a san chhoh zel avang a ni. Utirnan - Chini mante hi ram dangah pawh sang tak a ni. Shillong ah pawh Kg. ah tunlai khuan (Open Market) Bazarah Rs. 4/- zel a ni.

Industry lamah hian hma kan sawn tlen hle. A chhan chu Kawlpho-thil-tihtheihna (power) kan neih tawh loh vang a ni. Nakum lamah chuan kawng hrang hrang Diesel power t len tih len kan tum ang chu.

A.R. (1st. Assam Rifles) hmun hi khawpui lai taka awm anih avangin rem lohna a awm a, an hmun ata chhuak tura nawr an ni. An in sawna tur Aizawl chhehvel ah hmun hrang hrang on a ni tawh. India sawrkar laipui pawh a thlong tawh a, rei vak lovan an hmun hi Socy terlat emaw Assembly Hall sak nan emaw la hman zel theih anih ngei a hnam.

Water Supply chung thuch sawi selna awm hi a dikna chu a awm. Amaherawhchu hmanrua loh a thawktute hian a la daih rih lo a ni. Theih anga ngaihtuah zel a ni. Zoroma khaw tam tak te hi tlangchhipa awm an ni a, tui awma hi khaw hawai lamah a awm vek zawk si. Khua-ah tui han la lut turin Pump-na nena boih ngial a ngai zel si. Electricity lamte kan la neih rih loh avangin tun maiah tih theih a ni rih lo a ni. Mahse nakinah staff tha zawk kan neih hunah leh power kan neih that hunah chuan tih theih kan kawng awa ang ang a tih zel a ni ang.

Tunah hian Budget chu House hnaah ka han pharh ta a. Member zabawm tak ten an lo pawh hnuah chuan hnathawktuten taima taka an thawh vat vat a ngai dawn ta a ni. Finance Department chuan engtingge pawisa hman zel anih a, tul lovan te hmanrua awm em tih leh a hman zelna tur onsihna ruahman chu a hna tur a lo ni ta.

SPEAKER: Borkar chanve ah a z chiah a. alawmawm e.
Tunah Chief Minister in han sawi ve tawh sela.
Hun tuk chiah awm lovin a duh angir han sawi sela.

FU CH. CHHUNGA,

CHIEF MINISTER: Pu Speaker, kan budget chungchangah chuan kim chang takin Finance Minister-in a sawi tawh a. Han sawi leh tur teh chiam awm tawhin ka hre lo. Amaherawhchu a sawi hnu pawh ka sawi leh a ni thei a, kan Member te pawhin min lo hre thiam sela.

Kan Budget hi a sitawm hle a ni thei a. Kan Member ten sawiselna an han tarlan deuh deuhthe leh Mizoram hual lo lutuka an han sawite pawh kha a dikna chen chu a awm a. Amaherawhchu chung atang chuan thil tangkai tak leh bengva thlak takte hriain ka in hria a. Mahse kan thil tih theih tawh a nihna lai a awm a. Khawi loi laiah enaw te chuan a thawktute leh Officer kan demna te pawh a awm a, kan chak lo deuh pawh a ni ang. Amaherawhchu Finance Minister in a sawi ang khan thawktu indaih lo leh tithang lote kan ni a. Tunah October thla ah Session kan neihpui thei ta chauh a.

Amaherawhchu kan ngaihtuahna ah hun pawimawh zia hi kan hre reng tur a ni a. Hun a awm loh chuan duh angin thil a tih theih loh thin a ni. Kan ram sawrkar chu May ni 3 atangin kan ding tan chauh a ni a. May thla pumpui kha kan hotute mi chuan supply buaipui nan an hman ral a ni. Chu chu kan tih loh chuan Fur-in min nang buaiin supply lam kan nei lo lutuk ang tih a hlauhawm si a. Tin, thingtlang lama an buhfai pek dan te supply Department a kan zawh lah min han chhang lawk thei lo leh nghal nen. Tichuan chung thil fel hlei thei lo avang chuan riltamin kan thi thei mai ang tih hlauvin kan hotute chuan tan an la ta a ni a. Tichuan June thla atang khan thil dang ngaihsak hman lo lokin budget chu buaipui a ni ta a. Chuti chung chuan August thlaah Budget chu kan Officer ten Delhi lamah an zinpui thei ta chauh a ni. Tichuan hun a tlem tawh avanga hman zawh loh mai theihthe hlauvin Finance Department chuan theihthe chhuahin an bei ta a, tunah hian Session chu kan lo neihpui thei ta a ni a. A thawktute buai dan leh hun tlem ngaihtuahin a lo tlai lutuk lo ve.

Tun hmaa Shillong a Office lian pui, sawrkar Department hrang hrangin an tih thin ang zawng zawng kha kan neih a lo tul ve ta a. Kan Secretary te lah chuan Clerk, pahnih/khat ergaw lek nen an han bei a. Chutiang chu thil awmgia a nih avangin kan Member zahawm takte pawhin min hriatpui kan duh hle mai. Chutiang chuan District Office a thawk thin mi tlamte siin an buaipui a. Ram dang atangin chu mi thawk thiam lak a awm hrapa si lewa. Chuvangin kan Member zahawm tak takte pawhin in lo hriet thiam kan beisia a ni.

A budget tlem thuah hi chuan Finance Minister in a sawi ang khan kan hman khawp tur, kan hman zawh tawh awm ngaihtuah a ngai a. Tunah hian hmanng zo hma ta lo ila, kum thar lama budget leh turah pawh min tibuai pha ang tihte pawh a hlauhawm a. P.W.D. te hi D.C. hnuala a awm lai ang tho kha a la ni deuh mai a. Chutiangin Department hrang hrang ah tun hmaa an speed ang kha khaikhin nana an deuh zel a tul si a. Tunah hian Officer theihhatten lo ti tam thiam hle dawn mahse hman sen loh hlauh awmna a awm ve leh si a, chu chuan nakum lamah harsatna min siam leh dawn si a.

Tun hmaa kan dinhmun loh awm dan zawng zawngte kha kan hriat chian avangin a hriat thiampui theih viau nghe nghein ka ring a. Chuvangin engemaw chenah kan budget hi a sitawm hle na chungin kan dinhmun dik tak kan tih theih awm tawh chhut ngun chuan thil awm tawh tak a ni ve hle in ka hria.

Tunah tak phoi hi chuan kan sawrkar hi mi thenkhatin an tih angin Top heavy a tih theih hial a. Officer pakhatin clerk pahnih chauh te an nei a, officer te hnathawh tur chungchangah eng ang nge kan mamawh tihte ngun taka chhut a tul a. Chuvangin hnathawh a harsa em em a ni. Mahse nakin lawk ah zawng a ziaawm tawh ang tih kan beisei. Tunah chuan Secretary te kan nei daih tawh lova. A belhchhahna turte kan dil mek a. Min pek belh hun chuan kan ziaawm tawh dawn a ni.

Tin, sawrkar hi mipuiin kan hnaih theih dan ber tur ngaihtuah a ni a. Chuvang chuan kan ram chu District pathun ah then a ni tawh a, kan hawng tawh bawh a, mahse chu chuan mipui a hnaih tawh loh avangin Sub-Division 6 laia then turin kan rualman a, a chhanna crawh chu kan la hmu lo va. Chu chu sawrkar lamin an remti rih lo a nih pawhin theihtawp a nawr zel kan tun tlat a. Tichuan Sub-division Headquarter te kan lo hnaih tlang ang a, kan ramah hian hna awlsam takin a thawh thuai thuai theih ang tih a rinawm a ni.

Tin, Development Block 20 laia then turin sawrkar lam kan nawr bawh a. Chu chu an rem tihna kan hmu tawh a. Amah-erawhchu chu mi zinga 10 chu 1st stage atana ruat a ni rih a, a dang 10 chu 2nd stage atana tih a ni bawh a. Chu chuan kan ram manganna a puhruk hle ang tih kan beisei.

Finance Minister in a sawi tawh ang khan kan Aizawl khawpui ber Bazar sawti rimrem a awm saw a zahpui awm hle a. Mahse dawrpui te, Thakthing dawrte loh hmun dang sundawna a pui deuh a kal tluanna hmun apiang hi Zoram tungdingtu leh timawitu a ni zel a. Hnam dang hmusitna leh ngaihnepnah lakoh pawh sundawna hmunpui hian huhang a nei bik a. Chuvangin Bazar hmun aian dawrkai hmunpui hi enkawl a, cheibawl ngun a tul zaw mah reng a ni.

Finance Minister in a sawi angin kan ram buai hma kha chuan kan Mizo dawrkai te kha an che th-a-in an hmuingil viau tawh a. Kawng tin rengah hnam dang (vai) dawrkai ten an pha lo tih theih khawpin an lang ve tawh a. Amaherawhchu kan ram a lo buai chin kha chuan kan mite, sundawng duh em em te pawh an duh angin an duhna hmunah an kal thei ta lova, chutih chung chuan vai lam chu, han ena an hnar bang a san deuh phawt chuan permit tha ber a lo ni ta mai si a. Chutiang chu thil kalhmang a nih tak avangin kan mite thil tih theihna a lo chay zo ta a. Hetiang kan nih avang hian tunah pawh sawrkar chelh din chawr chawr ai ngawt chuan a thawh thei apiang hnena hnathawh tur pek a lo tul to thei ta lo a ni.

Tin, thingtlang lam Rehabilitation thua ngaihsak hi kei chuan hun rihin ka la hre lova. A chhan chu tuna an awm

Kan hriat theuh angin kan in leh lo hman tlaka
hnutchhiah awm miah lova kan duh lo chung hnuh chhuahte kan
ni hlawn a. A tlangpui thuin Biak In te chu min zah sak deuh
avangin tlemin a ziaawm deuh va. Mi mal in pheih chu hman
leh tlak pakhat mah a awm lo tih theih a ni. Chutiang a nih
avang chuan in leh lo kan buatsaih theih nan kan darh leh dawn
chuan min rehabilitate ngei ngei tur niin ka ngai a ni.

Group dawn khan Delhi lam hotute hnenah pawh min
group lo turin kan ngen a. Mahse engmah a sawt lo va. Hetia
kan harsat turzia leh enkawl kan ngaih nasatzia tur hi thlen
loh a ni lova. Nimahsela, "Punjab rap mipui tam tak pawh
sawrkarin a enkawl theih kha. Nangni Mizoram mi tlente
khi sawrkar tan Problem harsa in tling tham lo" tiin Central
sawrkar hotuten min chhang a. Chuvangin kan darh dawn tak tak
chuan tuna khaw hlui tur lo chei hi tulin ka hre lova. Kan
darhna khua tur atan chuan rehabilitation grant chu dil tur
niin ka ngai a, kan dil chuan kan hlawhtlin ngei pawh ka ring
a, tunah hian huna ka la hriat leh avang a ni. Amaherawhchu
he house hian tul a tih chuan kan bei mai tur a ni. Mahse
kei chuan hunin ka la hre lo.

I.T.I. chungchang kha Pu Sangzualan Silchar a a awm
tlat pawh a tih zia kha a han sawi a (Pu Lalsangzuala:
Pu Speaker, kei ka ni lo ve) Hei hi thil zahthlak tak ni
pawhin a lang reng a. Tun hmas Silchar a an din tih lai khan
Mizo zir tlak ve tam tak an awm na chungin pali lek zirlai
am awm ve thin a. Chutiang anih avang chuan kan ram ngeia lek
chhoh thuai chu kan duh a. Chu mi atana in sak tan pawh tum
mek a ni.

Tin, Leiman leh chhiah dang reng reng tnu hi Member
thenkhat chuan, inthlan dawn laite leh tun thleng pawhin pe lo
tura mipui hnena lo sawite pawh kan awm mai thei thin a.
Chutiang a leiman pe lo tur zawng chuan in zirtir chi a ni
ngai lo reng reng a. Sawrkar chu chhungkua anga tang ho zawng
inzirtir tur kan ni a. Leiman hi nihring kan in chen vek
loh avangin pe thei lo tak tak chu an awe. Chyungte chu kan
hotuten pe ngei turin an ti lem lova. Dan pangngai angin ir
ngaihna thiam chin chu a awm thin. Amaherawhchu leiman
pe thei reng turin pe ve thei lote zarzo tuna leiman awl tun
thin hi a dik thei lo a ni. Chuvangin a pe thei chin chuan
leiman hi an pe ngei ngei tur a ni. Chutiang chuan sawrkar din
turin kan thawh ho leh kan tan rual hi a tul tak meuh a ni.
Chutiang chu tum tlang ila. Leiman pawh mipui hnenah pe ngei
turin fuoh tlang ila. Tichuan ram hrualna kawngah hian mi
rinchhan ngawt lova mahni a kan intedelh ve tial tialna tur
zawngin infuoh tur a ni.

Tin, Tui supply thuah hi chuan Aizawl ah hian a
theih ang ang a tih that chu tum mek zel a ni a. Tuidawt
hi a tet deuh hlawn avangin hun a duh rei thin a. Chung
thlak nan leh tih pun nan a lian zawk deuh chi pawh chah mek
a ni a. Beisei anga a lo thlen chuan November, thla lam chuan
tihfel theih beisei a ni.

Tin, Vanlaiphai S.D.O. saw chungchang kha hetiang a ni. S.D.O. leh S.O. kha an inrem lova, an inrem lohna hi Politics lama an ngaihdan inan loh thu a nih reng kan hre lova. Eng pawl lam side mi nge an nih kan hre hek lo. An ni pahnih chungchang kan ngaihtuah dawn lain, Saiha S.D.O. suspend a ni ta hlah a. Saiha khua hi S.D.O. nei lova a awm chu dikin kan hre lova. Chuwangin Vanlaiphai S.D.O. chu Saiha ah transfer tak a ni. Member zahawm takin a sawi anga kan party lam side lo mi a nih avanga sawn a ni chuang lo ve. (Pu J.Thanghuama: Pu Speaker, sawrkar hnathawkte inrem lohna ah a lian zawk tih nghin hi dan a ni lo reng reng) A te emaw a lian emaw ngaihtuah a ni chuang lova, remchang nia hriat anga siam a ni.

Corruption chungchang hi kan sawi thin a. Kan sawi tam ber pawl pawh ni hialin a lang a. Amaherawhchu chiang taka man hi kan awm lo emaw ni? Han sawi fak tur hria chu kan awm hlei lo va. Engpawhnise mipui ngaih that lohna khawp chu thil awm a awm a ni tih chu a lang a. Chung thuah chuan tunah pawh hian tlema zawng chu investigation lak mek a ni. Engpawh nise chung ang thil ah chuan Member te hi mi thil chinchang hria in ni a, min tanpui hram hram turin ka ngen che u a. Sawrkar hnathawkte nen kan vaia kan tan ho hi thil pawimawh tak a ni. (Pu J.Thanghuama: Pu Speaker, Overseer-in kum 4 chauh a thawhin T.M.B. pahnih lei thei se engtia ngaih tur nge ni ang?). Overseer kum 4 emaw chauh tang tawhin T.M.B. 2 a lei mai thei a nih chuan thil awm lo tak a ni thei a. Amaherawhchu chutiang hriat chienna tur chuan chhui feltu pawl kan nei lova. Chutiang chhuitu tur pawl ang rengte pawh chu din ve ni sela. Chuti anih loh chuan tuna Member zahawm takin a sawi anga huai taka sawi mai ngam a ni thin lo a ni. Chung ang thil chu kei pawhin tha lo ka tih em avangin tukin a S.D.O. pakhat ina Rs.50,000/- hmuh tur awm tih. in han sawi chhuah pawh kha ka lo chhinchhiah nghe nghe a. Heng kawngah hian theihpatawp chhuah i tum tlang teh ang u. Chutilo chuan kil tin rengah hetiang hi a rik avangin kan ram hi a chhe zo dawn hialin a lang a. Member zahawm tak ten in sawi anga hnathawh awm si lova hmui ngawta thil tam tak tak dawng thinte pawh an thenawmte talin an hre chiang thei ang a; chungte chu lo hre thei ila. Tin, Relief grant lamte pawh mi retheite ei ai lo ei ching thin tu pawh kan tihreh theih a tul ang a. Tupawhin thil tha tih duh loh anga inpuh lovin heng hi kan haw tlang theuh a ni tih hriat i tang ho ang u.

Supply thuah khan Rangva leh Cement hi a man a sang hle reng a. Heng hi Gauhati a deliver tura tih kan ni a. Chuta a deliver-na hmun ah chuan Rangva B-I chuan Rs. 320/- a man tlat mai a. Hetah chuan a phurh man nen Rs. 340/- aia tlema hralh theih niin a lang lo. Thla hlui maiah pawh khan hetah Rs. 240/- in B-I lei theih a ni a. Hei hi a chhan zawh chian a tul hle a ni. Ram rethei berin thil kan lei to ber tlat mai.

Cement pawh kha Motorin an phura. He mi an thlen theihna chu bag khat ah Rs. 28/- emaw a ni a. Chuti a nih chuan Rs. 32/- a an hralh hi thil awm lo a ni lem lo.

Chawhna lam khan "Chief Minister chuan Tuichang lei leh khaw chhak lam a ngaihsak lo" tihte a ri nual a. Thil pakhat, kha mi chungchangah khan han sawd ka duh a. Pu Thanghuama kha tun hnai maia han zin a ni a. A han sawi kha chuan ka hriat kha a dik ta lo emaw ka ti hial a. Mahse ka han zawh fiah lehin a lei hrui (wire) chu a lo la awm a. (Pu J.Thanghuama: Pu Speaker, a hrui a awm lo) (Pu F.Hrangvela: Pu Speaker, a hrui kha thlang deuh takah a awm a. Pu Thanghuama khan a hmuh hmaih a ni ang) Engpahnise Tuichang lei chu, Mat lei dawh nana BRTF in hman an tum, an hman tak loh khan dawh kan tum a. Mahse Tuichang atan chuan chu thirhrui chu a lo tawi lutuk a, chutichuan engtin emaw divert dan chu ngaihtuah mek a ni a. Department lamin an ngaihtuah zel e. Tin, Tuichang lei chang ni lovin S.Vanlathai bula Tuipui lei pawh kha dawh tum mek a ni bawk a. Tuna an kainah saw chuan a zau hrat avangin lei han dawh rual a ni lova. Chu mi chhak mel 1 velah khian hlam 60 emaw lek zimna lei a awm a, chutah chuan lei dawh tum mek a ni.

Engpahnise ram hruaitute hi kan tan rual phawt chuan kan ram hi kan siam tha thei ngei ang tih ka ring a. Tuna kan budget pawh hi a hmanna tur remchang a fel tak loh dik taka hman a nih theihna turin kan tan hlo zel a tul a ni.

Tuna kan budget hi sitawm hlo angte pawhin a lang thei a. Budget kan buatsaih hian thil hriat thar leh belhchhab ngai chu a awm zel a. Chutiang hmaih leh a thar rawt zelte chu thun tel tum zel ta ila chu engtikah mah Session pui theihin kan puih dawn lova. A tul zual hriat chian sa te hi Budget a khung hman chu thil tul tak a nih si avangin khung thuai kan duh a. Chutianga hmanhmawh take kan thil buatsaih hi fel tawk leh tha tawk tling lo makse kan Member ten min hriat thiampui avangin lawmawm ka ti khawp mai.

SPEAKER: Budget discussion chu kan zo ta a, a lawmawm a, naktuk lam chu thu dangin - Voting on Demand a ni ang a. Hei duh angin thil a ran theih loh a. Staff lam te an indaih loh avangin a tih thuai thuai theih loh a ni.

Naktuk 1st Hour ah chuan Question kan ti ang a.
Chumi hnu ah Budget:

PU J.THANGHUAMA: Pu Speaker, kan business kan awm lai hian hmuh thei thin ila, tlai takah kan hmuh a, inrin lawkna pawh kan nei hman thin lo a ni.

SPEAKER: A ni khawp mai, thil kan ti chawp a, inzir chho zel kan ni a, in ngaihthiam a tha a. Awle, tunah chuan kan chawl tawh ang a, naktuk zing dar 10.00 ah kan tan leh ang.

Meeting adjourned at 4.40 P.M.